

# Grasl, renn davon

T&M: Manfred Ergott

Em7 C H7  
Aprü 1790, a Bua kummt aufd Wöt.  
Em7 C D9  
Da Våta a Schinder, vü Oaweit, ka Göd.  
Em7 C H7  
Im Dorf drin wüs kana haum, drausd beim Woid,  
Em7 Am C D9 Em7  
steht a zsaummduckte Hittn, wo s'Däch åwafoit.

Em7 C H7  
Ois Kind scho vom Våta zum Reiba vazogn.  
Em7 C D9  
Und håt a nix hambråcht, daunn håt an no gschlågn.  
Em7 C H7  
De Muatta håt bettlt, de klane Schwesta dabei.  
Em7 Am C D9 Em7  
Den Oidn haums eigsperrt und ghungert haum drei.

Am Em7  
Schinderbua, schau dazua,  
Am H7  
Schinderbua, findst ka Ruah.  
Em7  
Grasl, renn davon.

Em7  
Då hint bei da Schupfn, då duckn si drei,

Vom Schinder Grasl da Hans-Jörgl dabei,

Da Klaumpfarawastl und da schene Naz,  
Am C D9 Em7  
ålle drei kane Guatn, a jeda a Gfrast.

Em7  
Den Hof vom Fetzntandla, den haums im Visier.

Fia a poa Süwaguidn päckts de Gier.

In da Stubn geht des Liacht aus, da Grasl voraun.  
Am C D9 Em7  
Des Mensch vom Fetzntandla schreit solaungs no kaunn.

Am Em7  
Schinderbua, schau dazua,  
Am H7  
Schinderbua, findst ka Ruah.  
Em7  
Grasl, renn davon.

Em7

Jå, es redt si umadum, dass da Grasl gern stüht.

De Koberer woatn scho drauf, dass a eahna de Hittn aufüht.

De Weiba druckn si zuwe, waunn da schene Grasl wo hockt.

Am C D9 Em7

Des bissl Göd hât de Foischn auglockt.

Em7

In Zwettl, de Schindler Anna, a Witfrau mit Guidn.

Vom Pomasl woa da Tipp, an Weber mit Schuidn.

De Oide hât gschrian, da Grasl hâts pãckt bei de Ohrn.

Am C D9 Em7

In Kölla hâts as åweprackt, de Schindlerin is gstorbm.

Am Em7  
Schinderbua, schau dazua, ...

Em7 C H7  
Vom windign Mayer an den Goign vakaft,

Em7 C D9

4.000 Guidn hât der dafia eigstraft.

Em7 C H7

De Penkhart Resl, so a ådrahte Dirn,

Em7 Am C D9 Em7

de hât eahm nu ghoifn den Grasl vafiahn.

Em7 C H7  
Schau, Grasl, jetzt haums di noch Wean vazaht,

Em7 C D9

in Kerker gsteckt, gschundn und åwedraht.

Em7 C H7

Jetzt schau dazua, wiasd weita kummst, wo is dei Partie?

Em7 Am C D9 Em7

Es is kana mehr då, der wås hoit auf di.

Em 7 Am  
Grasl, Grasl, renn davon,  
Em 7 Am  
Reiba sei des kennt kan Lohn.  
Em 7 Am  
Auf di woat a finstas Loch,  
H7 Am  
am End bist du zschwäch.

Em 7 Am  
Grasl, Grasl, renn davon,  
Em 7 Am  
Reiba sei des kennt kan Lohn.  
Em 7 Am  
In Wean da feste Strick,  
H7 Am  
der bringt ka Glick.